

Awor ta trata na tilda Glenbert pero

Cua ta e politiconan cu a haya placa di Mangua?

ORANJESTAD (AAN) — E caso di Mangua kende ta worde acusa di a laba placa lo por bay haya bueltanan hopi impactante ora cu cierto hendenan cuminsa basha abao y un di e promenan cu a reacciona ayera tabata Glenbert Croes.

Glenbert Croes kende su number a worde menciona den otro medionan di comunicacion relaciona cu e caso di Mangua, ta reacciona awe den DIARIO unda e mes ta duna relato di un ke otro relaciona cu prestamo cu el a haci cerca Mangua.

E diferencia grandi entre Glenbert Croes, kende a musta bon cla cu e no tin nada di sconde y e otronan, ta sinta den e hecho, cu ta straño cu number di Glenbert Croes so a worde menciona y di otronan no!

Segun ta worde bisa riba caya, ta un cantidad basta grandi di hende tabata bay fia placa cerca Mangua y e fiamento di placa tabata varia entre, fia placa pa bay haci operacion den exterior, fia placa pa trata na scapa di findishi, fia placa pa trata na evita cu famianan lo perde auto, fia placa pa por duna famia di come pasobra tata of mama di famia a perde trabao, fia palca pa entiero, fia placa pa yiu of yiunan por bay studia den exterior, fia placa pa cumpra remedinan caro cu AZV no ta paga etc etc, pero tambe tabata tin

placa den wega pa cierto politiconan.

Glenbert Croes a duna cuenta di su fiamento di placa y cu e ta pagando back loke a worde palabra encuanto e prestamo cu el a haci y e prestamo haci door di Glenbert no ta nada ilegal.

Awor cu Mangua ta worde acusa di tabata laba placa, ta masha straño mes cu e prestamo di Glenbert Croes so ta worde treci pa dilanti anto pa colmo den corte unda cu no tin un solo acusacion oficial contra Glenbert Croes.

Glenbert a fia placa pero ta worde bisa cu otro politiconan a haya placa y ta di con Ministerio Publico no a trece e informacionnan ey den corte?

Segun ta worde bisa, diferente politico a bay busca placa cerca Mangua y te hasta hendenan riba posicionnan halto tabata

haya of fia placa cerca Mangua anto ta di con nan number si no ta worde menciona?

Ta berdad cu un funcionario di rango halto den e aparato hudicial tambe a fia placa cerca Mangua? Di con su number no a worde menciona of por ta asina cu esey no ta cumbini e gobierno actual?

Ta berdad cu den temporada di eleccion diferente hende di MEP a bay busca placa cerca Mangua?

Glenbert ta worde tilda pero con a para cu esnan di MEP?

Ta berdad cu un politico a te hasta pidi Mangua pa haya su placa na Dollars y no den forma di cheque?

Ta kende tabata e payaso politico mas grandi cu a haya solamente 100 Florin?

Straño ta cu placa di Mangua durante eleccion tabata bon pero awor e placa lo ta laba y ta worde

cuestiona y Glenbert su number so ta worde lastra y e otro politiconan mes ta haci manera nan no sa di nada.

No ta un ministro di MEP a bisa cu e ta amigo di Juchi kende a horta placa di Utilities cual ta compania di pais Aruba y cu e ta keda amigo di Juchi den tempo bon y den malo anto unda e otronan di MEP cu tambe a haya placa (Ojo: nan no a fia, nan a haya placa!) y tur e tempo ey si Mangua tabata nan amigo?

Ayera un insider a yama y a bisa; puntra ta kende ta 'baha

placa' via material di construccion pasobra awor nan kier tira piedra sconde man pero con a para cu material di construccion pa baha placa?

Bahamento di placa ta e codigo nobo pa labamento di placa?

E Bob Marley politico tambe lo ta nervioso siendo cu e lo por bisa hues mescos cu esun cu a come sopi di cabrito horta, cu ta 'Chopi Cho mi a come'; señor hues, ta 100 Florin so mi a haya!

Keda pendiente!

Alumnonan di EPI a haya lectura

ORANJESTAD (AAN) — Den edicion di ayera a ser menciona cu alumnonan di MTS a haya lectura riba e gas pa airco cu ta reduci gastonan. Mester menciona aki cu ta alumnonan di E.P.I.

Ciencia y tecnologia a haya e lectura aki na E.P.I. E eror den number as er cometi como cu e reportero a usa number di e school anterior cu tabata tin unda awe EPI ta situa.

NOS FUTURO!!

BISIÑA, NOS TUR A PAGA LUZ PA PROTESTA CONTRA E CHOLLERNAN DEN PLAYA!! DICON ABO NO A PAGA DIBO?

RUMAN, MI TIN 6 AÑA TA BIBA LUZ PAGA, SINO MI NO TA RESTA PLACA PA COME! AWE MI A CENDE E LUZ NAN PA PROTESTA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

